

Broj: 02/2-02-1-1546/18

Datum: 22.03.2018. godine

SKUPŠTINA KANTONA SARAJEVO
Predsjedavajuća Skupštine

PREDMET: Zastupničko pitanje Zastupnika Rasima Lakote, odgovor, d o s t a v l j a s e;

VEZA: Vaš akt broj: 01-05-9200/18 od 06.03.2018. godine

Zastupnik Rasim Lakota na 38. Radnoj sjednici Skupštine Kantona Sarajevo, održanoj dana 05.03.2018. godine, u okviru tačke Dnevnog reda „Poslanička pitanja, inicijative i odgovori“, a u skladu sa Poslovníkom Skupštine Kantona Sarajevo, postavio je **zastupničko pitanje**:

- Ima li legalnih ili možda ilegalnih tranzita i boravaka migranata u Kantonu Sarajevo,
- Koji im je pravni status odobren u BiH i Kantonu Sarajevo, i šta im taj status garantira u smislu pristupa pravima za vrijeme boravka u BiH (smještaj, ishrana, liječenje, školovanje, soc. zaštita...)?

Odgovor na zastupničko pitanje:

Kao što vam je poznato Zakonom o unutrašnjim poslovima Kantona Sarajevo (Službene novine Kantona Sarajevo 1/16) u poglavlju II - unutrašnji poslovi iz nadležnosti Kantona, kretanje i boravak stranaca nisu definisani kao nadležnost Ministarstva unutrašnjih poslova Kantona Sarajevo, samim tim legalni i ilegalni tranziti i boravci migranata nisu eksplicitna nadležnost ovog organa.

Relevantni propisi kojima je regulisana nadležnost organa i propisana problematika koja je predmet zastupničkog pitanja su, Zakon o službi za poslove sa strancima "Službeni glasnik BiH", br. 54/05 i 36/08", Zakon o azilu "Službeni glasnik BiH", br. 11/16", Zakon o državljanstvu Bosne i Hercegovine "Službeni glasnik BiH", br. 22/16" i Zakon o strancima "Službeni glasnik BiH", br. 88/15".

Policijski službenici Uprave policije Ministarstva unutrašnjih poslova Kantona Sarajevo, koji tokom obavljanja redovnih poslova i zadataka dobiju informaciju o osobama za koje postoje pretpostavke da su stranci na teritoriji Kantona Sarajevo, osiguravaju neophodan inicijalni odgovor i u slučajevima ilegalnog boravka obavještavaju Službu za poslove sa strancima kao nadležnu agenciju kako bi ista preuzela dalje postupanje u konkretnom slučaju.

S poštovanjem

MINISTAR

Vedran Mulabdić